



弘覺禪師語錄

嗣法門人顯權等編



清刻龍藏佛說法變相圖

弘覺禪師語錄序

中一

雲棲弟子大周金之俊謨

禪至今日而語錄之弊極矣少林西來原
無文字贊谿南邁邁著壇經漸有語言總
非色相厥後宗師代出接引隨機或傳心

中一

一

要於單文或顯尼珠於隻字提關啓鑰演
無本之家門抉髓敲筋施不方之醫藥天
風鼓籟雖則成音短遠無腔何嘗有曲語
錄之傳是亦後人之刻舟求劍學者之僭
指觀月耳奈何偶落塵詮遂成習尚說法
者以為非錄弗貴聽法者以為無錄非師
梨棗成林豪毛盡禿甚至魔民登座必標
叩擊之機緣狐子白椎畫號支那之撰述
淺則虎皮羊質畫依椽之葫蘆淡則馬角
龜毛駕脫空之鬼魅向枯椿而尋兔指岐

路以覓驢杜撰雷同支離影響忝宗門之
話柄壞初祖之家風以斯為禪何如無語
以是為語何如無錄不有真師一啗執邊
墊狐亂鳴此弘覺禪師之語錄所以不可
已也禪師栽松宿世折竹今生早服儒冠
窺孔顏之樂處中谷心要洞佛祖之禪源
紹法天童密雲重布揚容古路法雨徧施
提令正而萬國從風當機圓而諸天頰首
我

世祖先皇帝金輪御世慧日中天訪道覺民
不憚崆峒之拜求人善世寧惟功德之諮
特屏
萬機
親發十問如鍼入芥似乳投酥覺寶山開
徽文電耀馬駒騰高足每承龍象褒揚貌

座顯真王迥異澤犴威德是以綱維三界
震動十方臨濟中興徑山再世棒頭有眼
樂開障日之翳雲口角藏鋒截斷迷津之
罣網鏡妖而窮捺蕩孔街道而罔避棘藪
三要三玄指歸有在五宗五葉滙合斯真
夫以言止言則妄言者廢以錄正錄斯僭
錄者銷茲快之刻非沃沸之冰泉息喧之
毒鼓哉某染指大槩係心宗鏡慨正法之
衰濫仰振起之得人目擊道存意消言下
趙閱道偶然撞彩過佛慧而開頂門裴居
士當下知音禮蓮師而空心蘊平陽箭過
始覺鋒寒良馬鞭垂方知影痛須識千機
萬句不是吾師脣吻邊事便疑家書戶刺
未免世間門面中語矣斯錄具在天何言
哉

中一

二

天童弘覺恣禪師語錄序

嘗有客問張安道孔孟以後誰爲命世聖賢
安道歷舉南嶽馬祖諸師謂儒門澹泊收拾
不住無盡居士聞之拊几擊節歎爲達人高
論余嘗逆溯嵩少自華分五葉以來若牛頭
融若丹霞然若風穴之魁竒慈明之雋拔夏
若佛果之有覺華嚴妙喜之有西禪需皆以
書生問道方外舍縫掖而方袍弃選官而選
佛其初旣已對儒林幟折羣彥角後乃痛念
生死慷慨落髮徧參哲匠紹續祖燈安道之
語斯焉益信夫宣聖以菩薩地爲世間師內
祕外見隱實施權故所示言教微開其端引
而不發至大雄法道廣被眞丹乃賜厥本懷
初祖汎海而來的示心宗要復盡底掀翻直
說直用而如來出世大事因緣始無遺憾故

當世精竒特達之士罔不歸宿於此如水投
巨壑萬派聲消而我儒宗末流習爲訓詁漢
宋諸賢各守師說羸者徒羨衆數精者復耽
理解先聖淡意泯闕不傳沿及近世則敲弄
詞筆竟爲貿易青紫之具此高人傑士所以
鄙弃而不欲道也山翁大師以嶺嶠英儒頗
披世網最初發心已超狀有將相不爲之概
而討論章句纏綿理解之習亦已破其藩壁
而弃其筌蹄矣金鱗躍漢天馬追風信非儒
門所能收拾者是以一出而鬚髮開先服勤
太白泊入塵垂手接物利生沛爾言滿天下
道敎江湖盛德高行人稱黃巖古佛卽遊戲
翰墨亦一代宗工直與明教寂音並驅爭先
至於據本分一著號令人天指麾佛祖如茲
錄之豹露一斑者有時韻出青霄有時鼓蠟

塗毒有時山窮水盡別轉旂槍有時雷卷風
馳斬新日月師王哮啗香象失威到此若佛
若儒總是崖州萬里說禪說道並須到退三
千就使黃面老子碧眼胡僧尚且收拾不住
何獨儒門云爾哉冰菴道人與麼塗污亦是
平地骨堆無風起浪啣老漢痛棒有分諸方
鐵額銅頭受當別具眼腦始得鹿城門弟子
張立廉拜題

天童弘覺恣禪師語錄序

駿佳初閱禪籍見從上諸祖每以法器爲重
默識而預期之竊疑曰此事阿誰無分奚間
嗚焉及觀諸大老如丹霞以應舉選官大洪
以垂髻上第正覺以進士馳聲而曹山慈明
晦堂佛果皆以書生擅名當世又如汾陽圓
通白雲慈嚴露源佛印或童釋神智或博極

羣籍或翰墨精妙是皆能立譚取御相者而
實絡雖美象王弗顧金籠誠艷鵬翅弗貪此
其器固有超越於御相之上者矣所以入此
宗門氣吞佛祖漚脉大千曾區區之毀譽得
失利養名聞足以稍嬰其念乎古人法器之

中一

中二

說狀後信其不誣矣駿佳於近代得山翁大
師馬師髻季譽望頽曠公輔乃季踰志學卽
弃掌中之富貴室家完美頓斷千劫之愛纏
此非所謂麗越御相之上與丹霞諸公把臂
於九天之際者乎是以嚴霜震雷如黃檗師
登其堂吞佛殺祖如天童師入其室駿久遊
天童老人門下每從衆中一望見輒神聳意
肅曰古所謂法器者非斯人歟殆老人化恣
師繼其席宗風大振衲子奔湊一時叢林公
論謂事事追蹤古人眞足師範人天而雅量

中一

中二

厚德不可殫述焉。泐器之足重不於此。益微哉。佛果有云。吾禪如大海。必以大海受之。正此意也。雖然。駿更進焉。今之以池沼受海水者。不足道矣。苟以江河受海水者。是僅得師說之一二。而不能具體者也。卽以大海受大海者。猶是智與師齊。減師半德者也。惟受有廣於大海者。以受之。乃謂之智過於師。方堪傳受益。必授受之際。恆有餘地存焉。乃能通權達變。善繼善述。以成克家之子。如其不然。洞山所謂全肯則孤負先師矣。駿佳觀老人直截真實。斬盡支葉。師固得其旨矣。狀古人懸密之機。用玄奧之綱。宗又不啻如寶鏡當臺。胡漢俱見也。老人氣宇如王。上下獨尊。師固繼其道矣。狀虛懷推潛德之同參。坦衷。埽濟洞之町畦。又不啻如惠風披拂。徧界

皆春也。老人不辭筆削之勞。以衛道不避好辨之迹。以荷泐門師。固已擔其任矣。狀謗書絕不寓目。筆舌化於無諍。又不啻如水天一碧。浪靜風恬也。是正所謂善繼也。善述也。爲天童克家之子也。苟非其器。寬有餘地。則守師說不知變。猶之飽餐珍味。不能化。孰知珍味之能殺人哉。具參方眼者。請讀大師語錄。則自知之。誠無俟駿之贅也。平原備祁駿佳拜題

詔書

皇帝敕諭朕惟善政導民期適蕩平之路仁風翕物統歸化育之中仰千聖之徽猷邈百王之遺軌理無分於三教道豈外於一心故佛演法門立闡揚之大旨祖標禪理

示默契之真宗皆所以迴脫疑情頓開覺性惟替谿之一脈儼雞足之上乘暨臨濟之三玄允象王之汰乳慧雨普施於一切宗風常勝於五燈緣衍法之獨隆斯傳衣之最衆朕撫臨寰宇心切牖民期與四海蒼生共臻覺路必使明心而見性方能易惡而至中時覽經文間常參究續圓頓交融之旨必行解相應之人聞爾禪僧道志臨濟正傳宗門法器行清峻不染六欲之塵道眼圓明能空四諦之妄風規早著十一解脫有季憫結習之牽纏揭單傳之要渺六是用特遣僧錄司右闡教淨行禪僧法重齋敕蒞往召爾來京欲闡玄風竚聞高論爾其洗盜就道持錫邁征無耽淡隱之清用愍遠延之切於戲弘宣大道復淳古之

休風廣度迷情躋舍生於壽域欽承朕命式賁爾宗欽哉故諭

順治十六年閏三月 日

敕書

皇帝敕諭朕惟佛會拈華妙心傳於迦葉禪行面壁宗旨付於神光六葉既敷千華競秀蔭泐雲於真際火宅晨涼耀慧日於康衢重昏夜曉以至曠目揚者擎拳舉指類皆合宗門之妙諦得教外之靈機誠非他學可知亦豈意生所及眷言道行冀覲高蹤實悟真如必先立覺咨爾禪僧道志嗣泐天童傳宗臨濟克證無生之旨機自圓明允通向上之關悟稱諦當朕爰稽載籍祈會性真間覽玄文渙嘉妙義故時於聽政之暇詢爾以泐道之微迺名言之不繁

克隨機而得解玄關幽鍵感卽能通遙源
濬波酌之不竭傳一燈於種智了萬法於
真空廣量出於凡心元明踰於宿學引之
於有高謝四流推之於無俯弘六度信乎
凡之可以證聖洵哉惟覺所以悟迷非同
測海窺天固以登堂入室堪主泐門之席
允稱禪衆之尊是用對爾爲弘覺禪師錫
之敕印於戲慈周萬有大身徧於十方利
濟四生本覺超乎三世俾舉代咸登仁壽
之域在隨方而啓般若之門其益懋爾勤

修庶弘開夫正梵式承嘉命丕闡宗風欽

哉故諭

順治十七年四月 日

贊

憶自黃巖嗣席天童踞先覺堂卓卓孤峰樹

以楞出毒以毒攻蛇吞鱷鼻虎齧大蟲正令
全提孰敢嬰鋒出語成誅百折不窮佛果衝
官大慧附庸糠粃之導往來愚衷國難以來
蹤跡西東兄遊天外余戲園中世出世間皆
大英雄不負先師舊衲蒙茸者毛結共鼻孔
氣通霄谿正脈臨濟真宗是木上座亦號山
翁 弟通表黃毓禪頰首贊

天童開堂疏

恭惟天童堂頭山翁大和尚出身東粵異轡
谿之目不識丁奮迹儒衣勝丹霞之語猶帶
腐頰從人望嗣主天童點末後光明炤地炤
大千丈法幢高豎了見成公案打風打雨一
條拄杖橫拈時屆仲春月維望日向者安羅
雙針俄成古佛儼狀示見雙趺茲焉太白孤
峰聳布新條豈曰浪鳴孤掌敬拂寶華王座

佇聆塗毒鼓聲續等曷勝翹跂之至崇禎十
六年二月十五日兵部職方司郎中孫嘉績
右率寧紹蘇常四郡護法士紳等七十三人
全疏

同門疏

伏以嶺南無佛性三十五葉衣孟恰值乎其
人濟北捋虎須七百餘季戈甲重新於此日
先和尚坐通玄峰頂密雲彌布大千新堂頭
入太白院中一雨普滋羣品破沙盆赤手扶
起奚啻密蕃傑之繼應菴華木上座劈面提
持不數東岳日之承西岳慧禩衣裳異色根
本同條雖難比三聖瞻驢撥寶壽之瞋點破
鎮州人眼猶庶幾郭家俗漢酬白雲之乳敬
拈五祖爐香所願恆順輿情不虛來請法王
登法座寰中奉斬新之敕豈假五帝三王師

子踞師牀天外咄無畏之音盡掃千妖百怪
頂門著楔掀翻先覺堂從上古錐嚙後加鎚
烹煨震旦國見前英物謹疏崇禎十六年二
月十五日毗陵江上黃毓祺疏
大能仁開堂疏

伏以嵩山並秀於鷲嶺五葉敷一乘之華濟
流逆溯於瞿源一喝破三玄之奧宗風爰來
於漠北大法尤振於嶺南後五百而重逢寶
千載之希邁恭惟山翁大和尚迹踵庾嶺乳
滴贊谿德光耀舍那之身戒香馥毗盧之頂
飽黃蘗之藥味殺活同時秉太白之金鋒外
魔罽膽唯此能仁古刹首稱於越名藍四水
檢環百晦圭尊臥龍北拱吐戒珠而呈祥文
雉南翔投寶林以獻瑞茲當久廢而復建須
伏大人之宏規幸靈錫飛出天台悵慈航頻

臨越水從此烹煉凡聖洗陽燄之青黃號令
 人天加層樓以梁棟倚天慧劍埜狐莫犯吹
 毛巾地紅輪陰靈立消見現電光中主賓互
 換龍象未免迷津鋒刃上炤用同施佛祖亦
 須乞命元寵等碑慚白字道塊青松散分香
 芋之齋冀醒牡丹之夢真儀有象呼來壁上
 高僧法句驚人喚出餅中鷲子則麈尾揮魯
 陽之戟明返嶮岷而師音咍奮地之雷春回
 沙界矣

順治六年十月十五日越州魯元寵等疏

道場山開堂疏

伏以虎窟山深歲久腥風猶縹鼻龍池澤遠
 春三雷雨恰當頭剝腐爛葛藤鐘在縣而扣
 隨大小提斬新正令者挂劍而血濺梵天山
 霧攝戒皈心祖席整開生面恭惟山翁大和

尚猊座下嶺南佛種濟北宗風脫樊籠譏八
 股六經大夫事匪將相能為趨上乘度四生
 九類老婆心為含生徹困授法印於密雲之
 室人驚師咍擦珍珠於布水之臺戶頌迦音
 固已合霽蠶以能仁徧遐邇而廣潤何止金

中一

十

水流其異味涼風襲於摩提而已哉睽茲南
 麓實古道場天荒石破於唐季薪盡火傳於
 歷代星移物換鼓寂鐘沈翠微岫石空遺聽
 法之蹤瑤席清波猶記坐禪之景今則地萌
 芝艸天命孺羊兆大法之中興矧真人之至
 止焮等暖姝末學款啓凡夫情緣境而成緣
 徘徊火宅事與理而俱障偏仄迷方雖窺天
 之管間依稀充景之中朕培井之壘終望洋
 涯淡之外詎曲士不可語於道在先生將善
 移我情伏願江海無擇細流樓閣頓還舊觀

中一

十一

千季暗室充生一炬之紅一夜春風香散千
林之錦彩雲景裏休將羅扇頻遮多子增弄
再見金襴圍繞布髮掩泥慶際優曇之瑞揚
省瞋目使吞栗棘之蓬異口同音引領合掌
謹啓

順治八年二月廿一日吳興費景煥等疏

天童弘覺恣禪師語錄目錄

序三

詔書

勅書

贊

開堂疏四

第一卷

住明州太白山天童禪寺語錄

第二卷

住明州太白山天童禪寺語錄

第三卷

住明州太白山天童禪寺語錄

第四卷

住慈谿五磊山霧峰禪寺語錄

住越州雲門寺語錄

第五卷

住台州廣潤禪寺語錄

第六卷

住台州廣潤禪寺語錄

第七卷

住越州大能仁寺語錄

第八卷

住湖州道場山護聖萬壽禪寺語錄

第九卷

住青州大覺禪寺語錄

第十卷

住青州大覺禪寺語錄

第十一卷

再住明州天童山弘恣禪寺語錄

第十二卷

中一

十二

廣錄

法語

第十三卷

示眾垂代

因事垂代

第十四卷

舉古垂代

第十五卷

對眾機緣

第十六卷

中

頌古

第十七卷

贊

第十八卷

偈

十三

第十九卷

佛事

小佛事

第二十卷

小佛事

雜著

御札

天童弘覺恣禪師語錄卷第一

嗣法門人顯權等編

住明州太白山天童禪寺語錄

師於崇禎壬午冬卽天童堂上受請越明季
二月朔有七日衆請主院事

據室此乃從上烹佛煨祖繩尺後昆之所故
據斯室者于聖總教齊立下風一切與他
門著地猶是見成途轍更若全機屢拓時密
不通風密不通風處全機屢拓亦是時人功
幹忒此二途作麼生爲人好卓拄杖云黑漆
棒開三要印爍迦眼出透金塵

癸未二月十五日寧紹蘇常諸郡護法檀越
暨同門合山大衆躬請開堂

拈疏把住上大人顯揚丘乙巳全憑者道真
言若是箇拈頭識尾底直得毛錐未動弄便

可知禮也何須文彩全彰後依樣化三千雖
狀如是手執夜明符幾箇知天曉便請表白
宣過

汰衣佛佛授手祖祖相傳莫不以此表信人
天數宣汰化所以歛充攜坐雞足峰窻有頭
對盧老持歸大庾嶺計較未成今則明眼作
證委枉山僧相次脫珍著弊辭青嶂戴角披
毛入關籃去也正當恁麼時如何施設卽得
掀翻海嶽求知己撥動乾坤見大平

汰座看看須彌燈王如來已爲諸人騎露柱
中

入燈籠穿過鬪髻直下發明脚跟大事了也
果若不因心念無涉見聞一回覩透則舉足
下足莫非道場弄佛後佛初無二致便好掀
倒曲衆喝散諸人山僧也只得低頭歸方丈
有分其或未狀醬裏著鹽君不信舖華錦上

太堆生便陞

拈香此一瓣香至高無上至厚無垠燕向爐
中端為今上皇帝祝延聖壽萬歲萬歲萬萬
歲伏願堯仁廣被萬方履戴地天舜德恆明
八表就仰雲日次拈云此瓣香鼓唱則君臣

中一

十五

道合揆揆則賓主歷狀奉為在廷多士闔國
公孤遠近檀那見并護法伏願忠勤增於天
子道德簡在帝心壽域萬高福源川至不忘
靈山付屬無昧般若正因復拈云此瓣香甘
載風霜十季參侍骨露猶遭暗箭皮穿尚喫
穉拳毒恨滿懷一鞠拈出端為供養即此堂
上密雲先師大和尚用醅法乳之恩歛衣敷
座古南和尚白椎云法蓮龍象眾當觀第一
義師云北鬱單越人打鼓東勝神州為宣揚
一槌擊碎無生堀徧界明明絕覆藏還有識

乾眼明知音善曲者麼出來與山僧拄杖子
相見問答不錄乃云古殿洞開明同杲日玲瓏八

面寬若太虛風送寶鐸聲搖夢回家園春曉
一一腳跟下重重樓閣門太殺見成十分受
用因甚諸人到此排身不進入作無門蓋緣
執吝情存尚畱觀聽以致零星家寶自昧衣
珠苟能上無攀仰下絕已躬一肩擔荷將米
赤手提持得本則事出當狀宛同本得何勞
三登九上一任七縱八橫便見大地全收十
方坐斷狀後奮金剛杵見自在身向虎穴魔
宮為人作主坐浮幢王剎轉大法輪直得如
明鏡當臺千妖百怪莫能逃其影質春風而
地三州二木咸悉賴其栽培正當恁麼時貨
舖初開斬新條令一句作麼生道但願東風
齊著力一時吹入我門來起身云道恣向緣

薄福自揣無能業迹出阿漢藏愚拙不意
 人天眼滅法社中虛設當諸位法兄則又固
 為辭讓所以古南和尚靈鷲大師與諸同門
 季昆枉郡檀越一時把住驢脚生按牛頭必
 欲道忤繼席先人高陞此座漢媿恩光過溢
 况當象駕簇臨今則祝聖開堂為象演法一
 期佛事幸已云周敬回以上善緣用培巨嶽
 邊土伏願一人有慶萬國咸寧枉筵羣公綱
 目證無生之旨見弄知識皆天建最勝之幢
 有煩久立伏惟珍重復踞座云咎曰臨濟大
 師至海沱河側住一小院名曰臨濟座下亦
 有三百來衆一日謂普化克符曰我欲於此
 建立黃檗宗旨你二人須成禡我二人珍重
 下公三日後普化上來三日弄和尚道甚麼
 臨濟拈棒便打三日後克符上來和尚三日

弄因甚打普化濟亦打師云一賓一主一揆
 一撈生鐵鑄就純鋼打成建立黃檗宗旨發
 明從上心髓須是者般漢但惜二人珍重下
 公臨濟不與當下剝絕致令後人向三日弄
 三日後弄精魂今日山僧路見不平不免為
 伊剝絕公也諸仁者山僧亦欲於此建立天
 童宗旨設問諸仁作麼生成禡山僧好為復
 珍重下公邪為復三日後上來邪為復從東
 過西邪為復默狀良久邪為復拂袖出堂邪
 為復繞座三匝作女人拜邪為復揚耆胸目
 豎指擎拳邪為復掀倒法座喝散大眾邪上
 來做處總不出弄精魂畢竟作麼出隻手眼
 共山僧建立宗旨還會麼鶴有九皋難翥翼
 馬無千里謬追風白椎云諦觀法王法法王
 法如是師卓拄杖下座

次日上堂兼爲檀越追嚴目擊道存鋒鋌不
犯頭頭顯露物物全彰猶是因高就下曲爲
今時况復言中取則句裏呈機舉古明今拈
三教兩大似鄭州出替門何異南轅而北轍
殊不知當人腳跟下立地一著子如天普蓋
似地普擎抽一機則千機頓赴屐一目則萬
目畢張透聲透色絕遮攔互古互今無處所
還生从得伊麼還染汗得伊麼還榮枯得伊
麼還推遷得伊麼總有德山棒如雨點也則
打他不著臨濟唱似雷奔也則無伊下口處
叟說甚麼百問雲興千疇餅瀉一豪端際出
見無盡身雲一舉步間遊歷無邊國土正是
泥裏洗土塊蝦跳不出斗諸仁者從上既有
如此廣大門風穩密田地何不推他阿爺向
後放出渠儂一頭與麼直截承當忒正恁麼

時接續流通一可作麼生道天高羣象正海
濶百川翰

上堂多說不如少說少說不如不說山僧恁
麼告報爲是說邪不是說邪若道是說且道
卽今說箇甚麼若道不說爭奈牙齒敲磕脣
皮敲弄何諸仁者若向者裏透脫分曉便見
塵說剝說熾狀說無間歇是處是彌勒無門
無善財所以山僧一條拄杖子有時穿天拄
地有時塞壑填溝塞壑填溝處不妨穿天拄
地穿天拄地時不妨塞壑填溝你諸人鼻孔
尋嘗與山僧拄杖子相拄行時住時乃至坐
臥語默動靜營爲莫不與山僧拄杖子相拄
卓拄杖云還見麼桺絲誰曳千條玉二月春
風似剪刀
蕪湖吉祥寺四衆舍汰衣請上堂問如何是

見在佛師云師姑元是女人做如何是過太
佛師云且退後一邊著如何是未來佛師云
驢季夢見狂僧擬進語師便喝乃云千佛大
法衣吉祥處持來密劄無差互重重錦縫開
釋迦身不異慈氏體合裁慶贊因齋會曇華
擁寶臺提起衣云此是施主含底衣作麼生
是法莫是柔和忍辱割截依持麼莫是五五
二十五條法數分明麼莫是各各四長一短
開合變化麼若恁麼隨聲逐色認名著相正
是靈龜負圖自取卷身之寶畢竟作麼生是
法卓拄杖云鶯鶯繡出從君看不把金鍼度
與人

上堂春山正明媚春水碧潭潭出谷鶯聲碎
巢梁燕語酣此四句中有一句是權有一句
是實有一句是照有一句是用諸人於此緇

中一

十九

素得出許伊親見臨濟三玄要句汾陽十智
同真於此不明以拄杖卓一下云兩段不同
收歸上科便下座
佛誕上堂世尊初生艸本不勞拈出一手指
天一手指地賣弄小孩兒周行七步脚跟未
點地拄目顧四方望空啓告天上天下唯我
獨尊因供从款雲門一棒打殺貪他香餌著
他鉤天童恁麼判斷雖則相席打令猶是大
嚼對屠門狀既慶贊因齋何妨偕華獻佛乃
召云大眾世尊初生拈向一邊祇如雲門一
棒且道打得他殺打他不殺若打得他殺西
天東土瓦解冰消豈有今翰與麼事若打他
不殺山僧不免夏下毒手太也捩拄杖下座
大眾一時走散
結夏上堂十五日以葦動若行雲寬廓非外

十五日以後止猶谷神寂寥非內正當十五日黃閣簾垂紫羅帳合內既不放外亦不放入活卓卓峭巍巍進則鐵壁當胃退則银山塞面不進不退頭上火發腳底煙生正當恁麼時石女夢回木人起舞卽且置祇如長連牀上枕头踈跳上梵天築著憍陳如鼻孔揭諦神惡發將大圓覺伽藍一搨粉碎是汝諸人身心平等性智更向甚麼處安居好於此見得個儻分明從弄熱惱化爲清涼其或未然散保來朝熱如昨日參

舉隆慶潤禪師立僧上堂三季不蜚蜚衝天三季不鳴鳴驚人此世間瑰異之夫積厚流光之道也圖南六月息禹躍千霄送此蠢動殊能之物遵着時變之道也若約衲僧家高山山頂立淡淡海底行猶在格式中間直鏡

中一

三

掌擎日月天背負須彌盧未是超方作者須知過量漢是伊尋常時橫身佛祖頂顛頭運足萬機不到處一向封疆把定梵王求索無門設若牆墜打開管教真風徧界從他洗清佛日佛日恆清爲我充贊宗猷宗猷遠振所以道大人具大見大智得大用煩惱海中爲雨露無明山上起雲雷卽且置祇如卽今分座接納一句作麼生道萬國醉心嘗大鼎一釣須連十二鼈復有一偈萬煨爐中鐵蒺藜孤標甘自混塵泥等閒拔置高幢上無限天魔惡卻威

上堂舉高原替禪師爲人入室久第心空老象龍叢林充贊對吾宗何如興化親三聖大似立沙和雪峰奪舍饑人神暇豫驅牛耕戶度從容南山今放出真虎蹋殺無邊裴大蟲

端午上堂問人間此日划龍舟鼙鼓聲聲競
碧流林下道人無別事請師顯露箇宗絲師
屢拂子進云恁麼則覲面無私忒也師云刺
瞎汝眼乃云不用靈符羨禁方橫身當宇宙
堂堂土虺坐斷難開口始頌天童別有長

中一

三

晚參此事貴狂眼明明則手快手快則著
著有出身之路山僧記得先師住今天童時
一晚爲衆挂牌入室有一禪和子全身鎧仗
武藝超倫纔跨門來卽云不用拈掇請師便
棒擬賣箇破綻撲倒弄人殊不知先師是箇
久經行陣老戰沙場底看他高坐旂鼓之下
不慌不忙祇丟出箇絆馬索子云爲甚麼盪
絆倒了也果狀無語便與生擒活捉雖狀者
僧可謂將成九仞之山尚虧一簣之土所以
祇有先鋒且無殿後若是山僧待先師云爲

甚麼譬但向道橫趨金殿過定惹御爐香鼓
保先師拄杖子兩手分付乃名云大衆此間
莫有恁麼師僧麼不妨出來與山僧互相激
揚看一者暴已所長二者增鼓林氣燄三者
顯天童家風今管不墜有麼一僧纔出師約
住云汝非敵手下問師僧卻有長處何不出
來俱無語師云一總是箇蝦蟇衣下客以拄
杖捏退又僧出云兩堂結制有幾人善和尚
意旨師云頃僧擬再問師便打復云有麼有
麼衆不出乃喝一喝云橫身當宇宙誰是出
頭人

晚參僧問昨日晚參蒙和尚指示此事貴狂
眼明手快某甲向者裏會取因甚不能透徹
師云今日縣中放告僧禮拜師云看你把髻
投衙僧拂坐具師云誣告加三等越訴答五

十僧無語師喝退問釋迦老子與達磨老子
相去多少師以拂子劃一劃云總過不得者
裏進云達磨老子面壁九載作何事師云你
那裏得者消息來進云少室山并風過耳而
今正有弄潮人師云者念言語漢便打出乃
舉雲菴示衆洞山門下八凹九凸交加加
屈屈曲曲崎崎嶇嶇窠岬岬水雲拈映煙
嵐重疊觀者遊者十人九人舉步便迷卻路
頭也其中莫有不迷者麼乃喝云且道洞山
路頭在甚麼處師云新豐古道將謂坦平元
來有許多之遶爭似天童者裏從明州城出
了江東門便是張斌橋從張斌橋趁船只四
十里到了小白河從小白河頭起步兩行夾
道青松一條甌街直進不上廿里便是古三
解脫門者裏轉過彎抹箇角便見樓閣參差

綠疎青鎖分明明軒軒豁豁有甚麼迷惑
處乃召云大衆旣不迷惑因甚諸人進不得
天童門見不得其中人且道利害在甚麼處
喝一喝云參罷各各歸堂喫茶

晚參問古鏡未磨時如何師云玲瓏函寺舊

傳燈磨後如何師云法堂佛殿長相對此本

漢陽不遠靈師云罕逢穿耳客多見刻舟人

黃鶴樓并鸚鵡洲又作麼生師云姪女已歸

霄漢太瘦卽猶自火邊躡僧禮拜云謝師指

示師打云打破鏡來好相見乃云法堂上擊

鼓肅肅雍雍齊上來僧堂裏打鐘鼓鼓雜雜

俱下去卽者上來與下太不識其中何大意

有者道妙性圓明離諸名相有者道如鐘在

簾有扣必鳴有者道腳頭腳底妙用縱橫又

有者道築著磕著全彰正體若恁麼解會做

他座主奴也未得何況祖師門下客既不恁麼會又作麼生會驀拈拄杖云拄杖子你合會得自云爭底會不得你既會得何不爲我揭示諸人自云諾卓拄杖下座

上堂師子啗時芳艸綠喝一喝云師子啗也豎起拂子云豈不是芳艸綠象王回顧落華紅左右顧眎云象王回顧也擲下拂子云豈不是落華紅諸仁者若向者裏大開夢眼信得及否則百城烟水一步全收法界高流剎那參徧其或未狀起身云流水落華隨我否

夕陽芳艸動人愁

晚參舉扇子云雲門大師道扇子踈跳上三十三天築著帝釋鼻孔東海鯉魚打一捧雨似盆傾千岳長和尚云扇子踈跳入一十八重地獄築著閻羅王鼻孔閻羅王惡發道你

喫了見成粥飯晝夜鼓兩片皮妄譚般若合喫我手中鐵棒被山僧一喝卻入扇子裏否也諸人還見麼若見拈取扇子來不見炎炎暑天用箇甚麼師云一人高出雲天一人淡入地府簡點將來二俱不了乃以扇子擊香几云扇子踈跳入你諸人毛孔裏否築著瞿瞿菩薩鼻孔正值瞿瞿菩薩乘六牙白象王坐真金妙寶蓮華師子之座與十方同行諸大開士并後圍繞說海印旋陀羅尼無量陀羅尼門以爲眷屬瞿瞿菩薩亦不惡發但輕輕拈起扇子云諸仁者此非小緣所謂有世界以光明爲佛事有世界以香飯爲佛事有世界以音聲爲佛事復有世界以文字語言爲佛事又有世界以扇子爲佛事遂將扇子一揮但見豎聽忽作徧界清涼諸大開士各

各默狀悟道正恁麼時你諸人還覺寒毛卓
豎也未若也覺闔闔卷舒盡在我縱橫收放
豈由人若也不覺莫怪鹽官索取犀牛扇子
參

晚參舉睦州禪師一日因秀才相訪次州問
先輩蘊何事業才云弟子會二十四家書州
以拄杖空中點一點云會麼才問措州云又
道會二十四家書永字八法也不識師云睦
州一點出自偶爾成文秀才問措已是字義
炳狀只爲少季順朱頑了兼之舊本頗有錯
簡山僧不免爲諸人頌出二十四家書會盡
空中一點便甚狀休甚狀從來小生八九子
大人乙巳化三千

晚參昨晚舉唱蓋爲孔門弟子指蹤簡點將
來未暘他碧眼胡僧今晚不免將阿字法門

中一

二五

盡情爲諸人華鞞一上起身卓立云者箇喚
作一字屈右手舒左臂云者箇喚作十字復
伸右手云者箇喚作十字屢兩腳云者箇喚
作大字收足垂手云者箇喚作个字復捨兩
拳云者箇喚作小字又手云者箇喚作中字
復據座云者箇喚作甚麼笑殺旁觀還有解
笑者麼山僧更爲頌出不是乾三連亦非坤
六斷善知衆藝門吾道一以貫

上堂今辰曙色未分之際四天門王來白山
僧道昨宵欽奉帝釋大天令敕統領天宮地
府水陸空行諸部神王到闍浮提巡歷人間
其有不孝父母師長不敬沙門婆羅門貪瞋
嫉妬毀聖謗賢十惡不善之徒與夫山魃水
怪木石精靈凡爲民生旣害者重則打入阿
波波地獄阿吒吒地獄輕則隨宜發放所作

已竟只有禪和子底磕睡弟子神通小道力
輕微實是奈何不下無以上白帝釋大天山
僧向道若論禪和子底磕睡山僧亦不奈何
他道和尚是大善知識豈無方便山僧道有
箇方便只要他冷地裏發一寒噤瞥眄打箇
噴嚏始得衆中莫有打過噴嚏者麼以拄杖
擊香几云因衆舉首師云三十季後

晚參舉拂子云看看文殊菩薩拄山僧拂子
頭上口喃喃道一切智智清淨無二無二分
又云觀身實相觀佛亦狀乃喝一喝云不是
山僧喝住打葛藤謾你諸人有甚了期復云
者兩箇漢甚生頑賴一人以智慧遊履十方
一人以萬行莊嚴法界心麤徃徃築著磕著
剛狀不怕他人笑怪所以拄日月燈明佛時
喚作妙光法師拄我娑婆世界東震旦國西

峨眉北五臺喚作文殊菩薩拄天台國清喚
作寒山拾得且道拄天童寺裏喚作甚麼拈
却云可憐不遇間邱亂饒舌豐干也是問
中夏上堂纔見安居適狀中夏九旬之充陰
過半老我之晷運密移水牯牛芳艸渡頭尋
不見寒山子蘆華月下覓無蹤晝長饑有餘
夜短睡不足攢眉獨蚤點如臨濟白拈搥面
蒼蠅大似三脚驢子彌增汗衫鷓鴣臭苦殺無
位真人若乃箇箇送香新篋曳玉涼生殿閣
時來南面之熏風轟鼓方唐間奏清商之逸
響善哉大有為發機誰信禪流都不會為忽
出箇衲僧來道長老長老你恁麼攢簇得佳
不妨是篇黃絹幼婦外甥壘白天童但向他
道白雲道底

晚參上堂彌勒真彌勒分身千百億既分身

千百億則山河大地不可不是彌勒日月星辰不可不是彌勒風柯月渚不可不是彌勒黃華翠竹不可不是彌勒見卉大衆不可不是彌勒拈拄杖云拄杖子不可不是彌勒山僧不可不是彌勒如是則見山不是山見水不是水見僧不是僧見俗不是俗見男不是男見女不是女所謂一道平等浩狀大均狀既都是彌勒了喚甚麼作山僧喚甚麼作拄杖子喚甚麼作見卉諸人以至喚甚麼作日月星辰山河大地不若山河大地依舊是山河大地日月星辰依舊是日月星辰以至見山依舊是山見水依舊是水見僧依舊是僧見俗依舊是俗見男依舊是男見女依舊是女所謂是法住法位世間相常住狀既山河大地日月星辰乃至僧俗男女都依舊去了

又且如何是彌勒分底身卓拄杖三下喝兩喝云不見道時時示時人時人自不識復喝一喝

晚參示衆舉五祖演和尚云四五百石麥二千石稻好箇休糧方者婆不得妙千岳長和尚云管取有錢常住不無演祖若是將無作有拔貧作富還我無明老漢始得米不著一粒菜不栽一莖任渠往來者喫得飽膨脹師云千岳貧而諂五祖富而驕不肖山僧忝爲後裔終不敢邯鄲學他唐步何故天童一切出自檀施常住無半晦磽确之田要討四五百石麥二三千石稻何異道姑問渠丈夫比丘尼索他兒子况山僧行脚二十餘季所見數員知識不是乾剝地便是硬糾糾地亦無甚長處到山僧所以將無作有誠爲不

可卽拔貧作富要且不能狀則一旦居此巍
峩丈室將甚麼爲見弄兄弟塞方來口還會
麼真金終不和沙賣烈日瀧瓜著甚由大抵
還他肌骨好不搽紅粉也風流

晚參荆山之璞希世名珍狀卞和抱之而三

中一

中六

遭別足趙氏得之而價重連城豈後先白璧
分瑕瑜抑芋羸識鑑有濁清故識則傾國難
醜不識則分文莫直乃鞠躬作獻玉勢云還
識麼良久起坐云來朝更獻楚王看

立秋兼誅雨上堂三伏火雲中秋風動濠汴

香芬十里荷衣擣千家月歷歷清秋令明明

朱夏節夏秋曷以分智者善甄別大衆者裏

合下得甚麼語與此時相應忒良久乃合掌

云易見龍王大易見龍王甘露連注龍王毘

疎其梨那龍王會麼山中無六月一雨便成

秋

晚參舉東山演和尚云古者道釋迦彌勒猶

是他奴且道他是阿誰僂下座師云大小東

山只知有已不知有人把將常住果子私自

受用若是天童卽不狀釋迦彌勒猶是他奴

且道他是阿誰高聲召云大衆今晚小盡二

十九普請大家啣茶去

梵月化士回山上堂舉拂子云若喚作拂子

月色帶重輪若不喚作拂子觸髅并見鬼者

裏得挨開一綫去僂能攪長河爲酥酪變大

中一

中六

地作黃金玉轉玄樞星馳佛祖坐一趺七豎

四橫三長育羣萌梯航萬有若挨不開收掃

子云向道是龍剛不信暴狀奪得錦標回

上堂問釋迦老子來時和尚如何接待師云

教他入地三尺進云忽有箇箇天立地底衲

僧出來又作麼生師云左之右之進云恁麼則好手手中呈好手紅心裏中紅心師云十萬八千乃云酸餡雞冠鬪真休幾多添戰未封侯人漸老又經秋等閒白卻少季頭還有不逐寒暑還流者麼待山僧試說看躊躇云一時想不出來作麼生好良久云是了是了記得陳季曆日裏道是月也涼風至白露降寒蟬鳴鷹乃祭鳥天地始肅禾乃登也好箇消息且道好在甚麼處始見本季霜月白而今又見碧山黃

因事上堂山淡澤廣浩無涯何似禹門太白家豹隱伏師髭鬚象兮龍兮厲齒牙焦尾隊隊生矯翼更有孟峰鼈鼻蛇蛇拏喝一喝云解弄若無宗一手且向中邊掾免置復舉僧問雪峰古澗寒泉時如何峰云瞪目不見底

飲者如何峰云不從口入趙州聞得云不可從鼻孔裏入也僧卻問州古澗寒泉時如何州云苦飲者如何州云奴我演祖和尚云若有人問五祖古澗寒泉時如何即向伊道水飲者如何但云當下止漱或有箇人出來問道與替澆水是一是二我即向伊道分支列派縱橫自在低處澆田高處潑菜師云天童即不狀有問古澗寒泉時如何但云浸爛鼻孔飲者如何穿過欄腰設若有箇知氣息底問道與龍池水是同是別但向伊道澆澗豈能留得住終歸大海作波濤解夏兼中元普度上堂問把住牢關即不問放行一路事如何師云與你一納艸鞋進云恁麼則人人慶戴無涯箇箇恩歸有地師云未到你在進云地軸天關隨念轉密移一步

不躊躇師云萬里到崖州問如何是天童境
師云二十里松行欲盡青山捧出梵王宮如
何是境中人師云閒移拄杖松根立笑問客
從何處來進云入境已蒙師指示向上宗乘
事若何師云看腳下乃云九旬驗罷蠟人冰
馬面牛頭亦喜欣開劍閣啓天關放出無毛
鐵鷄子翻身突破萬重雲還有恁麼衲僧麼
不妨許伊橫有拄杖獨步大方祇是前途有
人問你夏狂甚處切忌向道狂天童者裏何
故驚嶺不生間艸木萬季松狂祝融峰震威
一喝復以拂子上指云好菩薩天中來下指
云好菩薩地中來指右邊云好菩薩人中來
指左邊云好菩薩羊中來擲下拂子云好菩
薩且道從甚麼處來大地動搖迎勢至寶華
彌滿送觀音

中一

三

上堂卷時光藤林荒園人意滯肌能堪嗟太
日顏如玉卻歎來時鬢似霜驀拈拄杖云唯
有山僧木上座椶椶椶昂昂藏藏生丛榮
枯只麼如常他又誰管你今朝初八來日重
陽大衆生則榮从則枯作麼生說箇如常底
道理金風凋盡千林葉別有黃華送晚香
上堂天童寺裏開爐以虛空爲爐牀四大部
洲爲爐腳須彌盧爲火筋七金山爲炭團其
餘森羅萬象日月星辰赤縣神州山川人物
爲引火黃葉且道火種聳以拄杖劃一劃云
饒爾向者裏薦得透脫分曉及乎施用未有
其方也則是箇守奴善道要得發燄聯輝正
未可狂當恁麼時發燄聯輝一句作麼生道
喝一喝云八萬四千非鳳毛三十三人入虎
穴

晚參天狀寒則向火無端浩浩開爐有底措
杻頰泰祇得煥氣相接多欲爐頭熱鬧詎免
廣打壁捩何似天童者裏清寥寥沒可把赤
骨力絕安排從他六戶風吹不借月明簾子
直饒寒灰發燄更抽爨後焦桐那管窮漢變
作殭蠶正要鴨兒凍得紫匾何故如此不見
道否不極泰不來臘既盡春自回阿呵呵霜
包慙破老黃梅拊鄰云到者裏方信道透骨
馨香不用栽好大哥
因事上堂舉福源珙和尚云鴉毛毒未是毒
算來不似人心毒三伏熱未是熱思量不出
人心熱阿修羅王常好罵天善星比丘偏要
誦佛道高一尺魔高一丈你之伎倆有盡我
之不采無窮師云閉口痰藏舌安身處處牢
還他石屋老人爭奈猶有者箇狂若是天童

中一

三

卽不狀真金須用火試美玉必資沙石瑩磨
不遇盤根錯節無以顯利器非善沒漁人無
以遊三十仍呂梁之洪波所以障蔽魔王禮
拜金剛齊菩薩我佛萬德莊嚴成就賴有提
婆達多

晚參臨濟大師有三句第一句下薦得堪與
佛祖爲師第二句下薦得堪與人天爲師第
三句下薦得自救不了請問見非諸人阿你
狂那一句中出來道看若道得是山僧與你
證據若道得不是未有參學眼狂良久云恁
麼則山僧自收取去也卓拄杖喝一喝歸方
丈

晚參天童門下不許交頭接耳說東道西衆
竦立師左右顧眎云纔恁麼誠教你口喃喃
作甚麼衆罔措師批拄杖一時趕散

上堂僧問未有世界先有此性世界壞時此性不壞未審以何三昧得不壞忞師云掣星沒水生骨進云世界壞時此性狂甚麼處安身立命師云冬不寒臘後看問虚空粉碎甚麼處安眾星師云昨夜三更半石人闌禮拜乃云天童有時啐啄同時有時盲如瞎棒有時奪人奪境有時自納敗缺你擬向那一頭見天童好你纔擬見時鼻孔早落天童手裏不擬見時爭奈錯過自己何見與不見二俱有過到者裏又作麼生免得要會麼慙慙禮

拜明州市問取泰山石敲當

至節上堂一陽來復薦豎拄杖云君子道長羣陰剝盡卓一下云小人道消橫按拄杖云且喜拄杖子坐斷兩頭不枉裏許何故為伊一向橐籥乾坤妙司造化所謂生也由得伊

殺也由得伊捏聚也由得伊裂開也由得伊鼎新南嶽天台革故阿闍妙喜莫不一切總由得伊且道拄杖子踞甚麼菩薩乘修甚麼寂滅行便能如是得大安樂得大壽命得大總持三昧蓋為伊無佛法身心道理乃呂云大眾莫是無佛法身心道理便當得麼一九二九三九四九五九盡日始逢春并頭大有霜雪在擗拄杖下座

天童弘覺志禪師語錄卷第一

音釋

蜚 匪微切音 凹 上於交切音 吠窠也下
 非與飛通 凹 徒結切音 迭高也 土窪
 曰凹 土嶼 倪結切音 兀 五忽切音 烏光
 高曰凸 嶼 華山高貌 兀 秃山貌 疍 烏光
 尤羸弱也 與 疍同